

續修陝西省通志稿

第一百十六冊

卷二百十七至二百十八

續修陝西通志稿卷二百十七

文徵十七

詩一

屈復

字以布衣終著有菴蒲城縣人乾隆二十二年舉博學鴻詞不赴試

傳本

感遇

萬馬仰維繫一馬在野馳長林無豐草安能就勒轡玉京二三月
桃李花滿枝灌溉探其實松柏良難滋物性固莫奪抱甕本無私
行藏忽已晚青雲各自知

別我客窗燭獨坐聽新雨萬感如春草叢生滿庭戶鄙夫致一餐
隆中效三顧魚龍雖不同大小俱心素寒氣透重帷悲風撼高樹
雨意和且平懷冰起煙霧

清晨倚庭樹衆鳥喧喧鳴日出東南隅衆鳥飛不停顧影見鬚髮
耀映霜雪明霜雪明我首天地凝堅冰班馬無文章臯夔無功名
卻看樹上花紛紛開正榮一花忽已落衆鳥逐飛英谷口鄭子眞
窮途阮步兵少壯不如人端居浮此生

桃李發春陽芙蓉冒炎熱黃菊開九秋寒梅香戴雪鼯鼠穴土窟
蛺蝶宿芳叢燕雀巢枳棘鸞鳳棲梧桐花有長十八根株在沙漠
珊瑚產海底橘柚生南國牡丹名洛陽丹桂長明月

巢許辭天下夷齊辭一國區區一微名辭之不可得高士盜虛聲
小人心匪石健者非吾羣蓬門掩將夕

夜半鳥忽唳窗棂透香雪老夫不能寐起步庭前月四十又三年
四海一鷗鷖諸孫有書來勸我歸何切牛斗騰夜光風雷並煥發
老大計不就衣食事轉拙徘徊還入房春風長薇蕨

南州徐孺生江夏薦有書夙昔不相識事往千載餘太華變雷雨
洛水化龍魚鸞鳳在丹穴光輝照天衢何與今人事感激多唏噓
湛湛長江流蘋藻無賢愚

狂秦飛坑灰詩書轉輝煌後賢表訓詁詩書乃消亡朱明已云至
薰風生微涼客居頗幽曠尙論虞與唐俎豆崇四海洙泗傳芬芳
流水日以滋蔓草日以長俗學阿時好慘於秦灰揚何人振餘響
坐使二曜光百花沐新雨冰雪迴春陽

黃河天上來一氣拆乾坤奈何塵埃土乃欲窮其源下覽星宿海
眞見天地根跋涉每白首自謂到崑崙亦有凝神者妙悟爲飛騫
一身墮虛無積石聽潺湲戈矛兩相仇爭鬪切煩冤風月本無心
流水清且閒升階不可及此道難爲言

大鵬乘長風暢此垂雲翼一飛九萬里諒不費多力三十三重天

重重青且碧最高者離恨可望不可即地險猶可越天險不可涉
九折與羊腸視之平如織一櫛已知味一拳寧非石大海渺無涯
天路安可極

三月今已半風氣猶嚴寒狐貉乃可禦覺我衣裳單天時不易測
人事非所關古今龍變化平地起波瀾四海同一雲細雨何綿綿
二麥望有秋其知春意闌

落英覆東籬去秋無人採僕射雖云樂不如飲酒美今晨春氣佳
出門成慷慨車馬影華纓軒蓋生光彩二疏留清風近在青門外
此途久已荒徒步隔遙海感激徒空言千秋復誰待白雲湧舍流
松風奏竽籟胡麻妥夢魂贈之桃花水

夏日堯山坊村居

錄十首
二

屈復

無端羣吠犬不肯早鳴雞夏夜猶難寐春愁更欲迷孤城南斗北

曉月畫樓西雙鸞辭一去三載隔雪泥

丁年惟靜坐子夜起焚香舉世欣朝臥孤村得晚涼峰爭將墜絮
燕語獨棲梁物色兼人意行將攬大荒

望嶽

屈復

蓮花半開仙掌顛削成而上直於弦我家近在戶庭前百里相對
清心顏紅塵紫霧風廻旋茲晨雨霽清且鮮遙遙洗出虛空懸黃
河相湊鑄長安扶桑日射函谷關豐鎬全盛何巍然太公白旄光
彩寒一朝四岳率百靈西向拜手雲霞間陳倉之鼓金銅仙無人
搔首問青天齊州閒殺九點煙

石頭城

屈復

虎踞心相許春遊不可望風雲符王氣日月鑄明光二水深滄海
三山似洛陽江頭孤燕子潮落暮天涼

景陽井

屈復

一片胭脂色殘陽映落霞銀牀飛落葉素綆汲空華尚有雲中兔
長窺水底蛙可憐千載後無井著吳娃

烏衣巷

屈復

朱雀夕陽愁烏衣續勝遊炊烟生白屋冥色赴青樓王謝家何在
秦淮水自流只應雙燕子長說晉春秋

長安懷古

十首錄三

屈復

三山縹緲洞天空辟穀何妨逸世功萬古雲霄雙凱鳳五湖煙月
兩冥鴻遊仙我慕赤松子流水今無黃石公莫問高飛生羽翰曾
聞滄海起英風

刀筆方投宇宙新經過此地爲誰論歌騅血染難勝鹿烹狗功高
不畫麟草藉長楊成獨坐花飛細柳又空春龍爭虎戰尋常事一

代儒冠有幾人

剛風如見動星文異代安能儼作羣
尙有不冠武皇帝漫言長揖
大將軍仙人夜捧三春露宮闕朝開五色雲
何福堪消愚慙日蒲
陶天馬正紛紛

春日雜興

十二首錄四

屈復

聞道美人樓外樓
曉鶯芳草弔風流
仙山一去拋金鏡
斜月重來剩玉鈎
開到李花他日淚
吹殘蘆葉此生愁
相思不必曾相見
暮雨蕭蕭過薊州

持回玉斧霜威過
吹徹瑤笙雪氣闌
伏枕夢中觀禮樂
清歌影裏識衣冠
初開闔闔西山曉
屢閃旌旗北斗寒
未厭遊城何事業
只今射柳舊長安

建業青山雲黯淡
蘆溝夜雨草模糊
丹墀有恨呼靈武
黃祿曾聞

識故都狐識風烟登粉堞鳥驚戰壘去平蕪春明花外真千里況
復江南豈壯圖

紫微高座壓蓬萊勢擁靈光御氣迴半面山從雲亂落三關水自
塞飛來花明鳳闕荆軻里草長龍池樂毅臺親覩皇居雄麗地古
今合有出羣才

王杰

字偉人韓城縣人乾隆庚辰舉人辛巳以進士第一人授翰林院修撰官至東閣大學士諡文端著有葆淳閣詩文授

集二十三卷事蹟具人物本傳

題張蔭亭同年載書圖照兼送之滇南臨安任

經術飾吏事斯言後儒陋仕學匪異轍奚爲假藻繡心源苟未澈
鄴架漫矜富憶昔與君交硯席晨昏就經義與治事融貫義研究
禮闈榜同登汗顏珠玉後既君宦齊魯醞釀日以厚每聞歌君杜
循聲不脛走報最擢滇南安得賢太守瞻望一麾遙怡然風雨袖

惟茲數車書不惜清俸購所至必與偕相將馳遠道

自注

誰欲繪

斯圖琴鶴同邂逅披閱三太息乃不孤師授夙學信已抒志行真

克副慚我竊高位展卷如矇瞶願君豐羽翼直看浮雲籓

同上

奉勅題元揭石鼓文

王杰

韓蘇歌石鼓詞人遞攷撰高言務恢張索句躡奧典一從窺宸章
秦華壓羣巘鑄劂造化工煙霞任舒卷已已曾摹藏古香寄懷緬
三百十字奇尙足紀蒐獮闕訛固已多貴重比瑚璉茲觀趙氏本
紙墨復精善枚數文較贏四十有六衍視薛雖縮胸擬劉味餘雋
椎拓出元人點畫朗可辨瓌蹟祕菁華運應文明顯重邀天筆題
光采發籀篆馬定鄭樵分毫芒嘗鼎得一嚮詮解或鑿空甲乙丑
紛舛詎乏撫拾勞臆說殊淺鮮大哉聖人心闕疑戒妄誕麟經書
夏五榛蕪頓披翦南衡韜禹碑此揭洵弁冕裴界合以弄祇爲珍

蟠扁隱隱璫雲屯神物自蜿蜒

恭和御製荊州元韻

王杰

時和兆稔穰天庥徵滋至楚北忽馳章被水非常事奏言瀕江隄
畧如偃月制以捍萬濤春是爲荊州地異漲突憑陵穿城勢直遂
咄嗟水難玩安知民攸墜運米饗殮謀苦蓋綢繆計覽奏切痼瘵
易任擇毗寄有司懈薪茭坐令公私匱小大互侵漁封疆宜負愧
帑輸二百萬民罔錙銖累撫綏與繕完經畫命材吏前吏或非人
飾虛但詞費當知清慎勤六計以廉第一方祇偏災宵旰籌之備
彼民慶再生如農得晚歲盤庚喻顛木由蘖重萌旣督勘務周詳
重臣親奉使會看循軌流已免集木惴粵稽咨儆心堯舜所不諱
終來有他吉定副懷保志

題阿廣庭相國畫像

王杰

我聞眉山蘇學士靈境舊遊證宿世又聞姚江王伯安五十年後
開禪關經生不解瞿曇書前因自悟信有無披圖生面別開出忽
瞻其足容如如公來有自真人傑鐘鼎勲庸接華閎璇閣樞庭協
大鈞井絡天山揚偉烈上侔方召下李郭區區那復數褒鄂福厚
功崇帝眷深三度承恩圖紫閣農人望慰神功適綠野平泉探勝
迹箇中幻作金粟身閒對蒼松坐拳石乃知公與無始遊此心空
洞如虛舟煌煌哀繡忘名相漫擬留侯與鄴侯

楊鸞

字子安潼關廳人乾隆己未進士歷官四川犍爲湖南醴陵長沙仰陽等縣知縣著有逸雲樓詩文集事蹟具人物

傳本

感遇

芍藥與黃菊結根固不同懷芳未及採一夕來朔風朔風何造次
吹我客牀空客心與客夢倏忽若飄蓬寄謝西園花此意殊匆匆

東髮受詩書瑣屑癖章句寤寐懷古人若與精靈遇磊落違德性
蟲魚聊可注既非世所欣未爲世所妬俯仰三十餘寂寞一竹素
漢庭公孫弘乃以儒術著

拔劍歌慷慨將爲萬里行西去玉關塞東薄扶餘城黃沙暗白日
皂雕逆風鳴男兒馳駿馬何不請長纓諸公盛文治四海方昇平
長安遊俠子裘馬何翩翩臂鷹三坡下挾彈六街前調笑呼儔侶
意氣殊嫣然我欲從之遊愧無珊瑚鞭歸來掩關坐咨嗟稱其賢
美人惜瑤草種之玉階側芳華難久恃及此青青色朱欄繞香徑
一往何緯繡每恨銀河長不知衣帶窄賴有繾綣心伴我常岑寂
仲冬天氣暖簾幙有微霜客亭新灑掃四壁明且光簷雀忽啾啾
返照生回廊硯池幸不冰時聞墨瀋香際此亦可樂何必懷春陽

一心周八極浩然無所薄奈何以此身而爲衆累搏往古賢達人
精英出追鑿安知忤我者不與我爲藥冥心守眞宰清宵聞寒鐸

紀別

楊鸞

離歌且莫唱離觴且莫舉我生豈不辰胡爲長羈旅昔辭太華雲
今別瀟湘浦父母且兩地何況子與女阿叔賢達人一經守環堵
暮年乃遠征三載依南土我今去京華誰與相晤語炎風天鬱蒸
舟小汗如雨念非金石軀銷鑠愁徂暑江皋有幽蘭聊可與延佇

後紀別

楊鸞

人生會有別相見難預期當其初別時惴恍如無知行行涉遠道
山川忽閒之上念垂白親扶杖繞階墀兄弟各有營兒女或游嬉
日落衆鳥還孤燈暖餘輝雞鳴霜滿野我車已再脂不惜筋力勞
所歎歲月馳安得守蓬蒿共此寒與飢

南霞峰贈日本刀慨然作歌

楊鸞

三尺寒芒刮秋水渡海來從千萬里風靜波濤聲不起老蛟水母
愁欲死故人脫贈良有以百鍊之剛成繞指我生幸無細碎讐讀
書常懷千古憂客窗裝裹充衾稠夢中忽與玉龍遊錚然欲出且
復休燈昏雨暗蟲啾啾

書江烈婦傳

楊鸞

自注 烈婦姓黃氏夫亡欲自殉姑堅持之三年夫服除於
九月夫生日詣墓哭奠自刎死袖中出尺縑書天清地白四
曰 初書字時其父見之亟匿去
畫花樣耳卒踐其志烈矣哉

剪紙作香香不滅生綃畫花花不涅三年石鍊女媧心一夕竹斑
湘妃血秋風蘭菊悴幽姿松根澈泉無轉移天清地白長如斯炯
炯夜臺相見時

古豔歌行

楊鸞

瓊枝璧月燦生光翠帳流蘇百合香蓮華吐豔同心炬葡萄釀酒
合歡觴金跳脫繡襦襦盈盈出畫堂閒倚碧池同照影不須左顧
羨鴛鴦

龍門

楊子鸞

黃河之水來崑崙禹導積石開龍門朱虎熊羆手足斂應龍掉尾
扶山根砉然斧鑿留癡痕約束馮夷走跋扈回瀾曲注吐復吞山
摧石裂怒濤噴一瀉千里萬馬奔浩浩竹箭窮無垠潛蛟起舞踏
鼉龍蹒跚蹴躡亡其羣兩岸巖嶂獅象蹲狎狎睨睨爲司閤斜陽
倒射烟嵐繡珠宮貝闕光斑璘百寶激灩羅盎盆長風激浪氣輪
困噲呺聲如雷車翻叔鮪王鱣隨赤鯈揚鬣鼓翅騰層雲列缺豐
隆不敢嗔傳聞幽怪難殫論我從華陰涉潼津蒼茫恍惚搖精魂
明德遠矣世莫諠

將之張掖留別諸弟

楊鸞

征衣初未卸復作遠遊身客路三千里高堂七十人村墟日蕭瑟
昆弟總清貧尙欲攜書劍迢遙逐塞塵

涼州

楊鸞

葡萄不擬博涼州載酒眞爲絕塞遊地闊八川同灌注

自注涼州極類秦州

有水利不止八川也

天開五郡此襟喉呂光豎子誰青眼謝艾書生易白頭

莫歎沙場春太晚免教長鋏對花愁

鄂州岳王廟

楊鸞

鄂渚秋風卉木摧鄂王遺廟枕江隈山川形勝蜀鵑血臣子精忠
遼鶴哀設險隱然雄壁壘釋兵猶未快姦回岳州名字從猜忌落
日靈旗萬馬來

登廣成觀北樓

楊鸞